

# KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA

No. 13 Persiaran Perdana, Presint 2,  
62623 Putrajaya

No. Telefon : 03-8882 5562

No. Fax : 03-8882 5569

## **KEBENARAN BEROPERASI BAGI SEKTOR PERDAGANGAN PENGEDARAN DI BAWAH KAWAL SELIA KEMENTERIAN PERDAGANGAN DALAM NEGERI DAN HAL EHWAL PENGGUNA (KPDNHEP) SEPANJANG PERINTAH KAWALAN PERGERAKAN (PKP) DI PULAU PINANG, SELANGOR, WILAYAH PERSEKUTUAN (KUALA LUMPUR, PUTRAJAYA, LABUAN), MELAKA, JOHOR DAN SABAH**

1. Kementerian Perdagangan Dalam Negeri dan Hal Ehwal Pengguna (KPDNHEP) mengambil maklum pengumuman yang telah dibuat oleh Yang Amat Berhormat Perdana Menteri, Tan Sri Muhyiddin Yassin pada 11 Januari 2021 untuk pelaksanaan Perintah Kawalan Pergerakan (PKP) untuk tempoh bermula **13 Januari 2021 hingga 26 Januari 2021** melibatkan **Pulau Pinang, Selangor, Wilayah Persekutuan Kuala Lumpur, Wilayah Persekutuan Putrajaya, Wilayah Persekutuan Labuan, Melaka, Johor dan Sabah.**
2. KPDNHEP sebagai sebuah kementerian yang bertanggungjawab dalam mengawal selia aktiviti perdagangan dan pengedaran di negara ini akan sentiasa memastikan rangkaian peruncitan, pengedaran dan pemborongan yang merupakan nadi kepada ekonomi domestik tidak terjejas sekaligus dapat memberi keyakinan kepada rakyat Malaysia mendapatkan bekalan barangan keperluan asas di pasaran.
3. Dalam mengimbangi kelangsungan perkembangan ekonomi dalam negeri, salah satu daripada lima sektor ekonomi yang dibenarkan beroperasi adalah **sektor perdagangan dan pengedaran yang merupakan salah satu sektor di bawah kawal selia KPDNHEP.** Senarai aktiviti perdagangan dan pengedaran yang dibenarkan beroperasi adalah seperti di **Lampiran A.**
4. Bagi memastikan tiada sebarang halangan atau sekatan pergerakan sepanjang tempoh PKP **syarikat-syarikat yang menjalankan aktiviti perdagangan pengedaran yang dibenarkan beroperasi ini perlu mendapatkan surat notifikasi pengesahan pendaftaran.** Sehubungan

dengan itu, syarikat-syarikat yang menjalankan aktiviti perdagangan pengedaran termasuk peruncitan, pemborongan dan pengedaran boleh memohon surat notifikasi pengesahan pendaftaran dengan mengakses portal **COVID-19 Intelligent Management System (CIMS)**, MITI melalui pautan <https://notification.miti.gov>.

5. Syarikat-syarikat sektor perdagangan dan pengedaran yang belum berdaftar dengan CIMS boleh berbuat demikian melalui pautan pautan <https://notification.miti.gov> dan surat notifikasi pengesahan pendaftaran boleh dimuat turun oleh syarikat selepas pendaftaran.
6. Pihak KPDNHEP juga ingin mengingatkan agar pihak syarikat yang dibenarkan beroperasi turut memastikan hanya 30 peratus pekerja dalam kumpulan pengurusan dibenarkan berada di pejabat dan pekerja dalam kumpulan sokongan/operasi akan ditentukan oleh majikan masing-masing serta memastikan pematuhan SOP yang ketat. Adalah menjadi tanggungjawab setiap syarikat yang telah diberi kebenaran mematuhi arahan daripada Majlis Keselamatan Negara (MKN) dan Kementerian Kesihatan Malaysia dari masa ke semasa.
7. Untuk maklumat lanjut, pihak pemain industri dan orang ramai boleh menghubungi **Sekretariat Perdagangan Pengedaran dan Industri Perkhidmatan (SPIP)** di talian hotline 03- 8882 5881/ 5903 atau melalui emel kepada [spip@kpdnhep.gov.my](mailto:spip@kpdnhep.gov.my).

###

**YB Dato Sri Alexander Nanta Linggi**  
**Menteri Perdagangan Dalam Negeri dan Hal Ehwal Pengguna**  
**12 Januari 2021**

###

## LATAR BELAKANG

Kementerian Perdagangan Dalam Negeri dan Hal Ehwal Pengguna (KPDNHEP) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran.

Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidaktentuan. Perdagangan pengedaran perlu kukuh bagi menampai sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkap dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam berurusanniaga, dan hasilnya adalah negara yang seimbang dari segi ekonomi dan sosial.

Agensi di bawah KPDNKK :



**SENARAI AKTIVITI SEKTOR PERDAGANGAN PENGEDARAN YANG  
DIBENARKAN BEROPERASI**

1. Kompleks membeli-belah;
2. Pasaraya/ pasaraya besar;
3. Departmental Store;
4. Farmasi/ penjagaan diri;
5. Kedai serbaneka/ mini mart;
6. Dobi (tidak termasuk layan diri);
7. Restoran;
8. Kedai perabot;
9. Kedai emas;
10. Kedai elektrik dan elektronik;
11. Kedai buku & alat tulis;
12. Kedai hardware;
13. Makanan haiwan;
14. Bengkel kenderaan, penyelenggaraan dan alat ganti;
15. Pusat pengedaran dan jualan kereta; dan
16. *Other Specialty Retail Stores*: Stesen minyak.